



## **Pecyn Cais am Swydd**

Rheolwr Gweithrediadau



Rubicon Dance  
Stryd Nora  
Caerdydd  
CF24 1ND

02920 491477  
info@rubicondance.co.uk  
www.rubicondance.co.uk

## Annwyl Ymgeisydd

Diolch am fynegi diddordeb mewn gweithio gyda Rubicon Dance fel Rheolwr Gweithrediadau, ein rôl arweinyddiaeth uwch newydd. Mae hwn yn gyfle cyffrous i chwarae rhan ganolog yn nyfodol ein sefydliad ac i arwain y ffordd mewn sicrhau ansawdd gyffredinol ein rhaglen gyfranogol eang.

Mae Rubicon Dance yn bodoli i ddatgloi hunanfynegiant fel y gall bobl ddarganfod eu potensial, teimlo cymhelliant a chysylltiad â'r byd. Credwn y dylai pawb gael y cyfle i feithrin eu talentau unigol. Dyna pam ein cenhadaeth yw herio safbwyntiau traddodiadol o'r hyn y mae'n golygu i ddawnsio; boed hynny'n lle yr ydym yn dawnsio, gyda phwy yr ydym yn dawnsio, neu sut olwg sydd ar fynegiant artistig.

Fel llawer o sefydliadau celfyddydol, mae Rubicon wedi dod trwy sawl cyfnod heriol dros y blynyddoedd diwethaf ond rydym wedi bod yn ymgymryd â phroses eang o adnewyddu ac ailstrwythuro sydd wedi ein harwain i adennill persbectif cadarnhaol, a'r hyder i greu rolau deinamig newydd o fewn y sefydliad.

Yn y pecyn hwn mae gwybodaeth gefndir, ynghyd â'r manylion ymarferol sydd eu hangen arnoch i wneud cais am y swydd. Os oes gennych unrhyw gwestiynau, neu os hoffech sgwrs anffurfiol a chyfrinachol am y rôl, cysylltwch â ni i drefnu hyn drwy anfon e-bost at [info@rubicondance.co.uk](mailto:info@rubicondance.co.uk). Am fwy o wybodaeth am Rubicon Dance, ymwelwch â'n gwefan [www.rubicondance.co.uk](http://www.rubicondance.co.uk).

Diolch eto am eich diddordeb yn Rubicon Dance. Edrychwn ymlaen at dderbyn eich cais.

Yn gywir,

**Simon Morris**  
Prif Swyddog Gweithredol  
Rubicon Dance



---

**Teitl Swydd:** Rheolwr Gweithrediadau

**Amser Llawn**

**Wedi'i lleoli yng Nghaerdydd**

**Cyflog:** £32,000 y flwyddyn

**Yn adrodd i:** Prif Swyddog Gweithredol

**Y gyfrifol am:** Gweinyddwr; Derbynyddion; Cynnal a Chadw; gwasanaethau cymorth allanol

---

### **Pwrpas cyffredinol y rôl hon:**

Mae'r Rheolwr Gweithrediadau yn gyfrifol am reoli gweithrediadau dyddiol cyffredinol Rubicon Dance, gan gynnwys dadansoddi a gwella systemau a dulliau gweithredu er mwyn gwella ansawdd ac effeithlonrwydd.

Byddwch yn sicrhau bod y mudiad wedi'i gydlynu'n dda ac yn gynhyrchiol drwy reoli ei adnoddau a'i ddulliau gweithredu a darparu arweinyddiaeth yn y ffyrdd mwyaf effeithlon i redeg y busnes.

Disgwylir i ddeiliad y swydd arwain cydymffurfiaeth gyfreithiol a diogelu ledled gweithrediadau'r cwmni er mwyn hwyluso datblygiad tymor hir llwyddiannus.

---

### **Sut i Wneud Cais:**

I wneud cais, anfonwch CV a llythyr cais at [simon@rubicondance.co.uk](mailto:simon@rubicondance.co.uk).

**Dyddiad cau:** 12 Chwefror 2025

**Cyfweliadau:** wythnos yn cychwyn 24 Chwefror 2025

Yn eich llythyr cais dylech esbonio pam rydych yn meddwl eich bod yn addas ar gyfer y swydd a dangos eich profiad a sgiliau yn ôl Manyleb y Person yn adran Disgrifiad y Swydd. Gallwch ei gyflwyno'n ysgrifenedig, mewn fideo neu ffeil sain, neu unrhyw fodd arall sy'n hygyrch i chi.

- Ni ddylai llythyrau ysgrifenedig fod mwy na dwy dudalen.
- Ni ddylai ceisiadau fideo/sain fod mwy na 10 munud.
- Os hoffech wneud cais mewn ffurf arall, cysylltwch â ni.

Mae Rubicon Dance yn gyflogwr Cyfle Cyfartal ac wedi ymrwymo i wella ei amrywiaeth er mwyn adlewyrchu'r cymunedau y mae'n eu gwasanaethu. Byddem yn croesawu ymgeiswyr o bob cefndir ac yn enwedig yn annog unigolion gyda phrofiadau a safbwyntiau amrywiol i wneud cais.

---

## Am Rubicon Dance



Rubicon Dance yw'r sefydliad dawns gymunedol hynaf yng Nghymru ac wedi bod yn darparu dawns i bobl o bob oedran a gallu ers 1975. Rydym yn darparu cyfleoedd i ddawnsio i bobl a chymunedau ledled Caerdydd, Casnewydd, a Bro Morgannwg, ac rydym wedi adeiladu enw da cryf a gydnabyddir yn genedlaethol am ein gwaith mewn ysgolion, lleoliadau gofal cymdeithasol ac iechyd, a lleoliadau cymunedol o bob math, yn ogystal ag yn ein stiwdios pwrpasol ein hunain yn Adamsdown.

Mae Rubicon yn datblygu ac yn cefnogi'r sector dawns yng Nghymru drwy ddarganfod, meithrin a churadu talent ble bynnag y bo. Rydym yn darparu amrywiaeth o lwybrau dilyniant i ddawnsywyr o bob oedran, gan eu galluogi i archwilio eu cariad tuag at ddawns a ffynnu'n greadigol. Trwy ein grwpiau perfformio a chyrsgiau addysg ffurfiol ac anffurfiol, rydym yn annog unigolion i ddatblygu eu sgiliau artistig, ac rydym yn darparu datblygiad proffesiynol parhaus a rhwydweithio i'r gweithlu dawns ledled Cymru trwy ein Rhaglen Hyfforddiant Cymru Gyfan.

Ein gweledigaeth yw Cymru amrywiol, fywiog a chynhwysol lle gall unrhyw un, yn unrhyw le, mwynhau llawenydd a buddion dawns, i'w llawn botensial a dyhead. Mae ein gwaith yn y gymuned yn dod â chyfleoedd ysbrydoledig, cynhwysol, diogel a dengar i ddawnsio a symud i bobl yng Nghaerdydd a De Cymru, yn enwedig y rheini a fydd efallai yn wynebu rhwystrau rhag dawnsio. Trwy ein gwaith addysg a gyrfa, rydym yn darparu datblygiad sgiliau, llwybrau dilyniant gyrfa ac addysg ddawns ardderchog i ddarpar ddawnsywyr proffesiynol a dawnsywyr proffesiynol presennol.

## Ein gweithgareddau elusennol

Gwrthrychau elusennol Ymddiriedolaeth Theatr Dawns Cymru yn masnachu fel Rubicon Dance yw:

*Er budd y cyhoedd, i faethu, hybu a chynyddu diddordeb y cyhoedd yn wybodaeth, dealltwriaeth ac ymarfer dawns (gan gynnwys ond heb fod yn gyfyngedig i ddawns gyfoes, dawns gymunedol, a ffurfiau dawns fodern eraill) ac i hybu, helpu a darparu cyfleusterau ar gyfer cyflwyniadau o ddawnsio o'r fath a hyfforddi dawnsywyr a choreograffwyr.*

Er mwyn gallu cyflawni ein pwrpas, rydym yn ymgymryd â gweithgareddau o fewn tair prif raglen:

### Addysg

Mae'r gwaith hwn yn cynnwys ein Rhaglen Dawns Ifanc, lle rydym yn darparu hyfforddiant dawns TGAU yn ogystal â'n cwrs dawns llawn amser (BTEC lefel 3 Diploma Estynedig). Mae'r ddau gwrs yn paratoi pobl ifanc dawns o Gymru ar wahanol gamau eu datblygiad ar gyfer mynediad i addysg uwch a'r prif gonservatoires. Cynllunnir y rhaglen TGAU hefyd i ganfod talent drwy weithio gydag ysgolion uwchradd a darparu hyfforddiant dawns o ddwysedd uchel er mwyn annog mwy o bobl o gefndiroedd amrywiol i ystyried gyrfaedd yn y sector. Mae'r cwrs llawn amser wedi rhedeg ers 1986 ac yn darparu myfyrwyr â'r sgiliau technegol yn ogystal â'r pwyntiau UCAS angenrheidiol i symud ymlaen at y graddau sy'n cael eu cynnig gan y conservatoires. Ers ei sefydlu, rydym wedi hyfforddi cannoedd o bobl ac yn ymfalchïo'n fawr iawn yn dilyn dilyniant eu gyrfaedd, ac mae'r cwrs yn rhan bwysig o'r ecosystem ddawns yng Nghymru.

### Dawns Gymunedol

Yn y rhaglen hon, rydym yn ymgysylltu â chymunedau – yn gyffredinol ond hefyd mewn lleoliadau penodol megis ysgolion, ysbytai a manau eraill – i'w galluogi i ddawnsio. Rydym yn meithrin cyfranogiad a diddordeb mewn dawns, hunanfyneiant ein cyfranogwyr ac yn darparu cyfleoedd i symud gyda llawenydd lle y gallant fod yn brin. Rydym yn herio safbwyntiau traddodiadol o'r hyn y mae'n golygu i ddawnsio; boed hynny'n lle yr ydym yn dawnsio, gyda phwy yr ydym yn dawnsio, neu sut olwg sydd ar fyneiant artistig. Mae'n mynd y tu hwnt i berfformio mewn lleoliadau theatr traddodiadol ac yn cwmpasu rhestr o ffyrdd amgen o fyneiant artistig sy'n tyfu o hyd.

## Hyfforddiant Cymru Gyfan

Mae ein Rhaglen Hyfforddiant Cymru Gyfan yn ceisio ysbrydoli a chynnal dawns gymunedol yng Nghymru drwy ddarparu hyfforddiant i unrhyw gyfranogwr sector mewn ffordd strategol, sy'n ymateb i anghenion yr ecoleg dawns. Mae'n mynd i'r afael ag anghenion cymorth a datblygiad ymarferwyr dawns gymunedol llawrydd o fewn cyd-destun ehangach y tirlun dawns gymunedol ledled Cymru. Trwy'r rhaglen hon, rydym yn cyfrannu at ddatblygu gweithlu'r sector dawns a gwell darpariaeth dawns gymunedol drwy gynnig cyfleoedd amrywiol, rheolaidd a pherthnasol i ymarferwyr dawns ar bob cam o'u taith gyrfa.

## Perfformiad a chyflawniadau

### Gwaith cymunedol

Yn ystod 2023-2024 cynhaliwyd 1,672 o sesiynau a fynychwyd gan 15,451 o gyfranogwyr yn gorfforol a 531 a oedd yn mynychu yn rhithwir. Roedd cwmpas y gwaith cymunedol a gynhaliwyd gennym yn cynnwys gweithio gyda phobl ifanc mewn ysgolion ac yn ein stiwdios dawns wedi'u lleoli yng nghalon Adamsdown yng Nghaerdydd. Yn ogystal â hyn, rydym wedi cynnig rhaglenni ardderchog a gwerthfawrogwyd yn fawr mewn cartrefi gofal ac ysbytai, sesiynau ar-lein ar gyfer pobl yn gwella ar ôl gyflyrau meddygol difrifol, ac ein dosbarthiadau rheolaidd i oedolion yn Stiwdios Rubicon Dance.

Roedd y gwaith a wnaethom mewn sesiynau mewn ysbytai yn cynnwys niwroseiciatreg, anafiadau i'r ymennydd, adsefydlu wedi strôc, gwasanaethau iechyd meddwl i'r henoed, a meddygaeth integredig ar gyfer cleifion gyda dementia a dryswch. Hefyd roeddem yn parhau i weithio gyda chyfranogwyr gydag anabledau o bob oedran gan gynnig ystod o sesiynau wedi'u cynllunio i fod yn addas i anghenion a gallu'r cyfranogwyr.

### Gwaith gyrfa ac addysg

Cyflwynwyd 436 sesiwn seiliedig ar gwricwlwm i 19 ysgol yn 2023-2024 a fynychwyd gan 857 o ddisgyblion gyda ffigur mynychu o 7,998. Dros y flwyddyn ddiwethaf roeddem y falch i gael 19 o bobl ifanc drwy eu TGAU Dawns a 15 mwy drwy'r rhaglen BTEC. Roedd ein sioe diwedd y flwyddyn yn arddangosfa ragorol o sgiliau a chreadigrwyd y bobl ifanc anhygoel hyn a chafodd dderbyniad da gan bawb a fynychodd. Mae *The Leverhulme Trust* wedi parhau i gefnogi rhaglen Rubicon i ganfod talent gan weithio'n uniongyrchol gydag ysgolion uwchradd – mae'r rhaglen yn darparu hyfforddiant dawns o ddwysedd uchel er mwyn annog mwy o bobl o gefndiroedd amrywiol i ystyried gyrfaoedd yn y sector.

### Rhaglen Hyfforddiant Cymru Gyfan

Mae Rubicon wedi parhau i ddod â chymuned dawns broffesiynol Cymru at ei gilydd drwy arwain ar Raglen Hyfforddiant Cymru Gyfan a chynnal cyfarfodydd strategaeth a rhwydwaith rheolaidd ledled Cymru. Cynigwyd 96 o sesiynau wedi'u mynychu gan dros 500 o gyfranogwyr proffesiynol, gyda Fforymau Ymarfer a rennir ochr yn ochr â sesiynau Cymorth Lles ac Ymarfer Creadigol un-i-un ychwanegol, sesiynau iaith Gymraeg wedi'u hanelu at hybu hyder mewn defnyddio'r Gymraeg o fewn lleoliadau

dawns a chyfres Siaradwyr Gwadd sy'n edrych ar bobl allweddol sy'n gweithio yn ecoleg dawns Cymru..

Mae cyrhaeddiad eang Rhaglen Hyfforddiant Cymru Gyfan wedi ein galluogi ni i gysylltu ag ymarferwyr dawns ar draws y wlad, gan gynnwys Y Fenni, Bangor, Caernarfon, Caerffili, Caerdydd, Aberteifi, Caerfyrddin, Ceredigion, Arberth, Castellnedd, Casnewydd, Port Talbot, Powys, Rhondda Cynon Taf, Abertawe a Bro Morgannwg.

## Rhai o'r adborth a gawsom yn 2023-2024

"Mae pobl yn gallu anghofio am eu hanableddau, anghofio am eu poen. Mae yna ddihangdod ynddo. Mae cerddoriaeth wedi'i gwifro'n ddwfn er waethaf anaf i'r ymennydd ac mae cymryd rhan y eu gwneud nhw'n hapus"

- *Aelod Staff GIG*

"Gyda WWTP, mae'r dull o weithredu yn hollgynhwysol.... Dim ots beth yw'ch oedran neu brofiad mae yna rywbeth i bawb. ... Mae'r sesiynau hyn yn rhoi cyfleoedd i weithwyr llawrydd ... (ac).. maen nhw'n gwrando ar yr hyn sydd angen arnon ni ac yn gwneud popeth a allan nhw i gynnig adnoddau..."

- *Cyfranogwr, Rhaglen Hyfforddiant Cymru Gyfan.*

"Des i o hyd i Rubicon pan oeddwn i'n 17 oed ac wedi cyrraedd croesffordd am ba lwybr i gymryd. Cefais groeso cynnes gan Rubicon a oedd yn fy meithrin drwy rai o'r blynyddoedd mwyaf pwysig o ddatblygiad i artist uchelgeisiol ifanc. Yn Rubicon, cafodd fy unigolrwydd ei ddathlu, cafodd fy nghreadigrwydd ei herio ac enillais y dechneg a gwybodaeth i sicrhau lle yn ysgolion dawns galwedigaethol lefel gradd.

Ers imi raddio rydw i wedi teithio'r byd yn perfformio. Rydw i wedi dawnsio ar daith y byd y *Queen Mary 2* urddasol, wedi perfformio ar hysbysebion a chyfresi teledu, wedi dawnsio yn nhŷ opera brenhinol Dubai, a dros y 3 mlynedd diwethaf wedi bod ar daith o gwmpas y DU gyda dawnsiwr proffesiynol *Strictly Come Dancing*, gan berfformio yn y *West End* am y tro cyntaf yn 2022. Ar hyn o bryd rydw i'n gapten dawns ar daith y DU hynod boblogaidd Johannes Radebe, '*House of JoJo*' ac yn mwynhau bob eiliad. Rydw i mor ffodus fy mod i'n caru fy swydd gymaint, a byddaf i'n ddiolchgar i Rubicon am byth am wneud hyn i gyd yn bosibl"

- *Cyn-fyfyrwr BTEC*

"Dwi'n teimlo bod gen i grŵp arall o ffrindiau nawr yn eich dosbarth ac mae rhai ohonon ni wedi bod yn mynd am goffi! Diolch, Sophie, am dy frwdfrydedd ac am fynd â fy meddwl oddi wrth y poen am sbel fach! "

- *Cyfranogwr Sesiwn Cymunedol*

"Dw i erioed wedi teimlo cysylltiad mor gryf â dawns ledled Cymru ag ydw i drwy Raglen Hyfforddiant Cymru Gyfan"

- *Cyfranogwr*

"Mae dod i ddawnsio yn wych. Mae'n dda i'r ymennydd, gwrthsefyll unigedd, gydag athro anhygoel sydd wastad yn gwenu "

- *Cyfranogwr Sesiwn Cymunedol*

"Efallai bydd gan gleifion wendid corfforol, efallai bod nhw wedi colli'i leferydd neu'n ddi-eiriau. Mae'r sesiynau yn rhoi 'llais' iddyn nhw ac maen nhw'n gallu dangos eu personoliaeth"

- *Aelod staff GIG*

## Disgrifiad Swydd

**Teitl Swydd:** Rheolwr Gweithrediadau

**Cyflog:** £32,000 y flwyddyn

**Yn adrodd i:** Prif Swyddog Gweithredol

**Y gyfrifol am:** Gweinyddwr; Derbynyddion; Cynnal a Chadw; gwasanaethau cymorth allanol  
Gwelwch siart presennol y sefydliad sy'n dangos strwythur y cwmni gan gynnwys y perthnasau adrodd rhwng gweithwyr.

### Pwrpas cyffredinol y rôl hon:

Mae'r Rheolwr Gweithrediadau yn gyfrifol am reoli gweithrediadau dyddiol cyffredinol Rubicon Dance, gan gynnwys dadansoddi a gwella systemau a dulliau gweithredu er mwyn gwella ansawdd ac effeithlonrwydd. Byddwch yn sicrhau bod y mudiad wedi'i gydlynu'n dda ac yn gynhyrchiol drwy reoli ei adnoddau a'i ddulliau gweithredu a darparu arweinyddiaeth yn y ffyrdd mwyaf effeithlon i redeg y busnes. Disgwylir i ddeiliad y swydd arwain cydymffurfiaeth gyfreithiol a diogelu ledled gweithrediadau'r cwmni er mwyn hwyluso datblygiad tymor hir llwyddiannus.

### Cyfrifoldebau Allweddol

- Arwain cynllun, gweithrediad a rheolaeth bob system a phroses sy'n cefnogi gweithgareddau craidd Rubicon i sicrhau bod y sefydliad yn rhedeg yn esmwyth o ddydd i ddydd
- Arwain rheolaeth bob dydd cyllid y cwmni, gan gynnwys cynhyrchu cyfrifon rheolaeth misol cywir
- Cynnal a datblygu systemau rheoli adnoddau effeithlon, gan gynnwys rhaglen ragarweiniol a hyfforddiant yn ôl y gofyn
- Goruchwyllo a rheoli darparwyr gwasanaeth allanol gan gynnwys cyllid, adnoddau dynol a gwasanaethau cyfathrebu a marchnata
- Sicrhau cydymffurfiaeth â gofynion cyfreithiol a gweithdrefnau a pholisïau'r cwmni
- Goruchwyllo dyraniad a rheolaeth holl adnoddau rhaglenni gan gynnwys ar gyfer cynhyrchion allanol
- Arwain rheolaeth o ddydd i ddydd yr adeilad, gan gynnwys diogelwch, iechyd a diogelwch, glanhau a chynnal a chadw, contractau sy'n berthnasol i'r adeilad, yswiriant a TG
- Goruchwyllo pob system gweinyddu
- Sicrhau bod y sefydliad yn darparu safon ardderchog o wasanaethau sy'n ymwneud yn uniongyrchol â'r cyhoedd
- Gweithredu fel swyddog Iechyd a Diogelwch y sefydliad a sicrhau bod asesiadau risg yn cael eu cynhyrchu yn ôl y gofyn
- Sicrhau bod lleoliadau wedi'u cyflunio'n briodol i gwrdd ag anghenion pob digwyddiad a gweithgareddau rhaglenni
- Darparu arweinyddiaeth, canllaw, datblygiad a chymorth i'r Tîm Gweithrediadau



## Byddwch chi

- Yn gallu gweithio ar eich liwt eich hunan
- Yn barod i ddysgu ac addasu sgiliau newydd
- Yn addasadwy, hyblyg ac yn teithio yn ôl gofyn y rôl
- Yn berchen ar gar, yn gyrru ac â thrwydded ac yswiriant sy'n cynnwys defnydd busnes; neu â mynediad at drafnidiaeth breifat neu gyhoeddus addas; ac yn gallu ac yn fodlon i gludo unrhyw eitemau sy'n ofynnol i berfformio'r rôl
- Yn gallu ac yn fodlon i weithio nosweithiau a phenwythnosau yn ôl y gofyn
- Yn cynnal ein Gwerthoedd a chefnogi amcanion y sefydliad, yn fewnol ac yn allanol
- Â golwg trwsiadus a phroffesiynol
- Yn perfformio unrhyw weithgareddau neu ddyletswyddau fel y bo'n ofynnol gan y sefydliad

## Manyleb y person

Mae'r fanyleb hon yn cynnwys y profiad, sgiliau, ayb, sydd yn ofynnol i ymgymryd â dyletswyddau'r swydd yn effeithiol (fel yr amlinellir yn ddisgrifiad y swydd) a hon bydd sylfaen y detholiad.

Addysg a Chymwysterau	Hanfodol	Dymunol
Gradd Baglor mewn rheoli gweithrediadau neu gyfwerth, neu brofiad proffesiynol sylweddol	✓	
Cymhwyster arweinyddiaeth		✓
Achrediad blaenorol neu gymhwyster iechyd a diogelwch		✓
Profiad	Hanfodol	Dymunol
O leiaf 3 mlynedd o brofiad yn y sector/diwydiant diwylliannol neu gelfyddydau, â hanes o lwyddiant o yrru rhagoriaeth weithredol	✓	
3+ mlynedd yn o brofiad mewn rheolaeth, gweithrediadau ac arweinyddiaeth	✓	
Dealltwriaeth ddofn o reolaeth ariannol	✓	
Dealltwriaeth o swyddogaethau busnes eang gan gynnwys adnoddau dynol a marchnata		✓
Sgiliau, gwybodaeth a gallu	Hanfodol	Dymunol
Gwybodaeth, dealltwriaeth a phrofiad o ddarpariaeth greadigol mewn lleoliad cymunedol	✓	
Profiad sefydlog mewn arweinyddiaeth a rheoli a datblygu timau	✓	
Gwybodaeth helaeth o ganllawiau cydymffurfio a rheolau cyfreithiol y sector elusenol	✓	
Yn gyfarwydd â <i>MS Office</i> a sawl meddalwedd busnes gan gynnwys systemau rheoli cysylltiadau cwsmeriaid	✓	
Sgiliau cyfathrebu ardderchog		✓

Bwriedir fod y disgrifiad swydd hwn yn arwydd amlinellol o feysydd cyffredinol o weithgaredd a all gael ei ddiwygio yng ngoleuni newidiadau i anghenion Rubicon. Disgwylir y bydd deiliad y swydd mor gadarnhaol a hyblyg â phosib wrth ddefnyddio'r ddogfen hon fel fframwaith.

## Rubicon Dance – strwythur y sefydliad

